

清代史料叢刊

清秘述聞三種

上



點校說明

《清秘述聞》十六卷，清法式善撰。

法式善字開文，又字梧門，號時帆，蒙古烏爾濟氏，隸內務府正黃旗。生於乾隆十八年（一七五三），卒於嘉慶十八年（一八一三）。乾隆四十五年進士，歷任左庶子、國子監祭酒、侍講學士等官。本名運昌，清高宗把他改名爲法式善，是滿語勤勉的意思。法式善確是個勤奮的學者，《清史列傳》稱其「凡官撰之書，無不編校」，曾參與《皇朝文頌》和《全唐文》的編纂。他精于史學，對本朝典章制度「該博審諦」，除撰《清秘述聞》外，尚有《槐廳載筆》、《陶廬雜錄》（此書已由中華書局出版）。法式善還擅長文學，是當時有名的詩人，他論詩遵奉王士禛的「神韻說」，作詩學唐人王維、孟浩然、韋應物、柳宗元諸家，詩風「清峭刻削，幽微宕往」，著有《存素堂詩集》，並彙輯當時人的詩歌爲《湖海詩》六十卷。

《清秘述聞》與《槐廳載筆》都是記述清代科舉考試的專著，前人稱之爲「科名故實二書」。清代的科舉，基本上沿襲明制，分鄉試、會試、殿試三種。經過縣試、府試、院試取得生員資格的，世稱秀才，有了這個資格才能參加鄉試。鄉試三年一次，在省城舉行，如遇國家大慶或皇帝登

基、大婚之年，加考一次，稱爲恩科。鄉試考官，正、副主考官外有同考官，同考官爲分房閱卷人員，又稱房官。鄉試考中者稱舉人，第一名爲解元，中了舉人便取得次年入京會試的資格。會試由禮部主持，會試考中者稱貢士，第一名爲會元。再經過保和殿的覆試，也就是正式殿試的預試，然後參加皇帝親自主持的殿試。殿試按成績分爲三甲。一甲三名，賜進士及第，其次序俗稱爲狀元、榜眼、探花。二甲若干名，賜進士出身。三甲若干名，賜同進士出身。科舉制度，是用這種公開考試的辦法選拔統治階級所需要的人材，它對維護和鞏固封建統治起了重要的作用。《清秘述聞》的鄉、會考官類和同考官類，記載了清初順治至嘉慶間歷科考官、試題及省、會、殿元的姓氏籍貫出身等，爲我們研究清代科舉制度和人物生平提供了有用的資料。清代各省設提督學政一人，任期三年，執掌一省生員考課黜陟之事及一省士習文風之政令。學政與科舉兩者關連，因此《清秘述聞》設有學政類。這一類記載清代各省學政一職的演變及其姓名、字號、籍貫、出身、任職時間等，這些無疑亦是我們研究清代科舉和教育制度不可缺少的資料。

由于《清秘述聞》的記載截止嘉慶四年，故其後又有《清秘述聞續》和《清秘述聞再續》兩種續作。

《清秘述聞續》十六卷。其中卷一、二、九、十三爲王家相撰，卷三、四、十、十四爲魏茂林撰，均由錢維福校訂。卷五、六、七、八、十一、十二、十五、十六爲錢維福撰，陸潤庠校訂。錢維福

另撰有《清秘述聞補》，今亦附錄於後。

王家相字宗旦，號藝齋，江蘇常熟人，嘉慶十四年進士，擢監察御史，官至河南南汝光道，著有《茗香堂詩文集》行世。魏茂林字笛生，又字賓門，福建龍巖人，嘉慶十四年進士，歷官內閣中書、宗人府主事、刑部郎中。錢維福字滌香，浙江嘉善人，官至同知。陸潤庠字鳳石，江蘇蘇州人，同治十三年一甲一名進士，歷官工部侍郎、吏部尚書等，官至大學士。

《清秘述聞再續》三卷。卷一、二爲徐沅、祁頌威撰，卷三爲徐沅、張肇棻撰。

徐沅，江蘇吳縣人，光緒二十九年經濟特科進士。祁頌威，山西壽陽人。張肇棻，武昌人。以上三人皆爲清末至民國時人。

《清秘述聞續》和《清秘述聞再續》二書，體例全仿法書，前者記事上接《清秘述聞》，止於光緒十三年。《清秘述聞再續》記事自光緒十四年至光緒三十年廢除科舉制度爲止。爲便于讀者，今與《清秘述聞》一併出版，書名稱爲《清秘述聞三種》。

《清秘述聞》有嘉慶間和光緒十五年二種刻本，後一刻本經錢維福校訂，改正和補充了初刻本中若干謬誤和空缺，今以此爲底本。《清秘述聞續》只是光緒十五年刻過一次。《清秘述聞再續》僅有油印本流傳。整理中改正了個別錯字、避諱字。並編有字號和人名索引，以便查閱。

點校者

科名故實二書序

翰林，史官也。自古歷三代越唐、宋、元、明暨國朝，代以爲榮，然非獨摛文藻，誇寵遇以蓬山爲捷徑也。必將敦品茂學，處則傳名山，出則作霖雨，人則爲羹梅，所謂宰相須用讀書人。蓋古今名賢大半出此而負此官者，亦不少矣。

法梧門司成，優學而守官。其爲學士也，則著《清秘述聞》十六卷；其官祭酒也，則著《槐廳載筆》二十卷。實事求是，文獻足徵，詳矣！確矣！

珪無狀，自年十八選館，出入中外，三人翰林，今且歸然忝二十四科之首，稱先進焉。服官五十二年，每以人才爲斷斷，而尤念釋于翰林諸君子，相期近文章，砥礪廉隅，以副聖主求賢若渴之意。讀梧門此編，不覺反覆而三嘆也。嘉慶己未八月初八日，經筵講官、太子少保南書房行走、實錄館正總裁、國史館副總裁、教習己未科庶吉士、吏部尚書兼管戶部三庫事務大興朱珪序。

科名故實二書序

梧門司成，博學多聞，勤於著述。自其爲講官學士時，輯錄制科、貢舉、官職、姓氏之類，無不備具。洎先後任司成，課業之暇，擴摭諸家集部，說部凡有關於科目者，皆分條掌記焉。

國家重熙累洽，百五十年以來，魁儒碩學，際會中天之運，砥廉隅矢文章以報稱者，指不勝僂。乾隆辛丑春，方綱忝貳司成，而是科會試殿試皆吳人錢榮第一，卽前秋己亥，方綱典江南省試取錄第一人也。故事，一甲三人，謁聖廟後，拜司成於彝倫堂，三人簪花訖，所設備用金花一枝，以歸總理大學士攜歸，歲以爲常。時大學士漳浦蔡公謂方綱曰：「此三元君所得士，今又親與此禮，此花以歸君。」於是方綱作《三元讌詩》、《三元花歌》，又撰《唐宋以來三元考》，一時和詩者甚衆，吳人爲鋟板者是也。夫人知科目之爲重，則益知君恩之不易報，益知榮名之不易副，而敦節行、勤職業，官箴士習，皆系於此。

若夫題目之式，品藻之規，語資之記，或足以正文體、裨經傳，或足以程得失、備勸懲，又非光化進士百有三門所能該悉者矣。昔汪學使薇題福建使院句云：「爾無文字休言命，我有兒孫要讀書。」竊嘗深佩此言。凡有司衡之責者，皆當書於廳事，以示多士。故因梧門此書而記於卷端，願吾學侶皆敬聽焉。嘉慶三年冬十二月朔，內閣侍讀學士大興翁方綱。

清秘述聞序

槐花時節，星衢捧出使之符；桂蕊因緣，月地飄登科之記。班連諸省，涸文露以分光；恩許三年，懷清冰而小住。撒幕之香易歇，煎茶之響難留，倘爵里之未題，將見聞之互異。昔年辛苦，掩書或致遺忘；大塊文章，指樹無從問答。棘生試院，莫訪前踪；珠列台垣，難尋司命。錯年齡於梁灝，誤家世於顏標。門不識龍，塔將墮雁。是以《摭言》討論，《僉載》搜羅；議著《雲溪》錄傳，《嘉話》盧家，《雜說》頗備體裁，史氏闕文，端資補綴。容齋《續筆》，儲故實於巍科；伯厚《紀聞》，臚詞章於名輩。然而事非一例，類或分門，空排《貢舉》之條，難續《文昌》之錄。疇作成書之勒，堪爲掌故之咨歎。時帆前輩，班冠西清，言包《北夢》，入園則杏花俯首，鎖院而鈴索牽心。楊盈川率意爲文，簿非《點鬼》；管夷吾自成一子，術在樹人。有好古之懷，無薄今之想；有愛博之癖，無鑿空之思。作《翰苑新書》，括《雲仙雜志》；溯源流於科第，示準格於鑑衡。欲使竹種玉堂，葉分个个；鶴飛閭苑，翎刷雙雙。遠詳駐節之區，近訪分簾之客。題刪雜體，名列三頭；鄉里則籍有可稽，姓氏則書無未見。上下乎百五十載，綜覽者三十餘家。於戲！可謂備矣。

夫三年比較，載在《周官》；每歲計偕，書諸漢詔。考杜家之典，大業開宗；訂《滙水》之談，祥

符紀瑞。燕依繡壘，紀時則科接丙丁；鵠立銀袍，賜第或榜分春夏。元和拔萃，丙申詩紀，干支淳化，持衡向寇。感深堂陸，年號因斯而作記，典禮於是乎觀通。我國家特重賢書，頻臚慶節，鈎珊瑚於碧澗，增杞梓於彤闈。仿舉逸之制科，殊引年之老榜。雖蓬池著錄，未廣流傳；卽槐市刊碑，尚艱樞榻。茲乃鑄諸梨棗，裝以縹緗，人識集仙，家知選佛。則錄周後甲，紀元繪雲見之光；卦演先庚，介嘏寫嵩呼之韻。前此慈寧，種壽疊傳；任姒徽音，今茲毓慶。傳心真協，耆媪偉烈；鋪張英茂，羅列簡編，懿鑠哉，可以觀美矣。且法傳三互，貴不還鄉；榮縮半通，官應書字。舉孝廉而入貢，郡國必詳；列紀傳以成文，名稱有副。未許家移關內，寓亦爲公；或緣族冠寰中，號因著望。豈趙郡能賅李姓，寧務觀可叶平聲。諸王則地判西東，子夏則冠分大小。茲乃志詳地里，譜熟倉曹，鄉必敬於梓桑，墩何爭於王謝。過潁川而先思陳寔，呼玄齡則可識房喬。清河不混於博陵，氣分沆瀣；彥博本稱爲大雅，代別溫文。彼涑水、宛陵，真成地產，卽鴛鴦、蝴蝶，亦附字行。加之銜署冰條，事徵璧合；節區龍虎，行辨鸞鷲，此又詳之詳者也。

況乎試有三場，題非一紙。若投行卷，疇刻程文，粘蟻綫以抽絲，度鴛鍼而翻樣。高公主舉，一曲《霓裳》；錢起通靈，二妃《瓊瑟》。日皆五色，踏磚影之花；月有重輪，擗蟾庭之桂。祖生意盡，殘雪在山；白傅才奇，斬蛇失劍。竊封緘而幸獲，恥學章持；想刑賞之當然，妄嗤蘇軾。常袞偏工雜作，自有兼長；晏殊請試他題，應推獨秀。越宋代，權輿夫經義；迄明興，專用乎時文。

立言上溯聖賢，辨體力持風會，獨超元箸，共仰慧燈。聘巨手以懸衡，妙精心而握鏡。我朝使由內出，經以目分，垂橐而承德增員，置驛而安西應舉。五言詩古，協律以被聲歌；三月春多，改期而就桃李。自天灑翰，羣儒捧鳳尾之文；乘傳搜才，百爾荷龍光之貴。彼王景之書，禮部淡墨猶傳；若元長之策，秀才庸文尚選。矧茲巨麗，敢昧本原，書有專條，畫無複瓣。何至讀浩虛舟之賦，頗畏後生；禱李固言之神，徒資先兆乎？

抑又聞之，魯公傳鉢，屈置十三，拱壽借衣，高登第一。鯉趨張氏，瑞后土之儀；鵠頌孫家，光堯階之試。給騶天上，積木夢中，固當自勵不欺，寧可但思渴睡。或者中眉志目，獲榜眼之稱；得路尋春，充探花之使。同占久虛之等，亦登最上之乘。至於容臺特冠，省解首行，膽欲破夫侍郎，瀾且驚夫瀚海。望蓬山而踴躍，入鼇禁以雍容。概用書名，更無留牘。

若使金泥固惜，不填碧落之碑；將毋柳汁先乾，莫憶紅綾之燄。今則行行吐耀，字字生香，搜片玉於山巔，扶寒松於澗底。春卿首薦，獻策擬於仲舒；秋試先登，唱名儕於同甫。詎有歐陽廷對，反遜一籌；頗聞沂國颺言，竟邀三捷。然則依斗杓而問姓，語豈誤夫彈箏；傍龍尾以訂交，識早符於跨駱。何以克副乎忠孝，何以不愧乎科名，必有識之者矣。

至若握尺量才，分疆敷教，作文壇之將帥，燄閃旌旗；第詩品之高卑，聲喧鼓吹。始猶銜齊諸道，繼乃選慎列卿。御史冰霜，假豸冠於栢署；翰林風月，籠雕錦於蓮燈。膺提舉之名，卑督

郵之號。勸學勤乎^{荀子}，立政易乎^{周書}，總教授以植規，約孝秀使就範。來經千日，槎貫月以頻迴；化若三春，旛護花而亦到。靈鍾羣玉，中割提封，價乏兼金，跨連都會。比主司之校閱，久暫功分；爲造士之宗師，從容善入。頗多沿革，悉與標題，不惟除授之榮，兼有貪廉之別。椀真滌雪，將一芹一藻皆香；車果載珠，卽半粟半絲亦利。語未申夫褒貶，等已判厥賢愚，可不懼哉！

至如卷有朔南，房分十八，誰爲具眼，各抱初心。嗟霧列之省垣，用烟馳之縣令。或殘牙已缺，久忘登第之年；或新綬方來，日慮當官之事。或栽花萬種，祇識買春；或入院連年，慣工溫券。縱有錚錚之鐵，難披躍躍之金。琴韻雖清，筆尖已退。惟有秋開京兆，春集垓埏，特妙選於千官，用旁求於羣彥。抽毫上殿，試向薰風；秉燭登堂，朗如圓月。名鮮御墨，來司薦士之權；身到仙壺，分掌鑄人之柄。列應真於鷲頂，火欲傳薪；班學士於瀛洲，雨將霏玉。固宜大書特書，不一書者也。

惟是先生，具包劉越瀛之才，擅月緯年經之體；懷抽綸掇沉之志，乏拔十得五之權。王禹偁三人承明，不曾知舉；盧中書數世台輔，未與作人。豈香火之少緣，將鯤鵬之暫息也？況乎絲綸在手，著作等身，直將與古爲徒，寧惜送人作郡？官銜帶酒，他時定作醉翁；書稿塗黃，此卷何如選格。若蘇者十年不調，再試難酬。接前輩之清塵，識考官之陳迹。未忘結習，便當頂若名經；

倘與校讐，必且瞭同《人表》。彷彿讀《因話》之錄，寧敢發不平之鳴乎！時嘉慶己未季夏中澣館後學江陰王蘇序。

清秘述聞自序

乾隆辛丑，法式善散館授職檢討，充四庫書館提調官。凡夫史氏之掌記，秘府之典章，獲流覽焉。嗣後再充日講起居注官，司衡之特命，試題之欽頒，皆嘗與聞其事。又充辦事翰林官，玉堂故事，前輩風流，與夫姓字里居，遷擢職使，益得朝稽夕考。儻直之暇，一一私綴諸紙尾，同館諸先生見之，謂可備文獻之徵。遂分年編載，事以類從，釐爲十六卷。其不可考者，仍闕之以待補云。日講起居注官翰林院侍讀學士法式善。

清秘述聞三種總目

清秘述聞……………法式善撰(上册)

清秘述聞續……………王家相等撰(中册)

清秘述聞再續……………徐沅等撰(下册)

附字號、人名索引

清秘述聞目錄

卷一	鄉會考官類一	三
卷二	鄉會考官類二	三
卷三	鄉會考官類三	三
卷四	鄉會考官類四	九
卷五	鄉會考官類五	一六
卷六	鄉會考官類六	一六
卷七	鄉會考官類七	二二
卷八	鄉會考官類八	二六
卷九	學政類一	三四
卷十	學政類二	三〇
卷十一	學政類三	三六

卷十二	學政類四	三六八
卷十三	同考官類一	三八五
卷十四	同考官類二	四〇八
卷十五	同考官類三	四三四
卷十六	同考官類四	四七八

清秘述聞卷一

法式善撰 錢維福校

按：歷科考官分年隸省，做史氏例。康熙初，因軍事停科，後或併試，或補試。併試書所試之省，補試年分歸入本科。題目規式，悉依舊本，而於字句異同處，雖不敢強爲附會，占三從二，庶幾近之。省元、會元、殿元姓氏弗遺，皆足備考證焉。述鄉會考官類凡八卷。

鄉會考官類一

順治二年乙酉科鄉試

順天考官：侍讀朱之俊字滄起，山西汾陽人，壬戌進士。檢討羅憲汶字篁菴，江西南昌人，癸未進士。

題「有德此有」一句，「上好信則」二句，「在於王所 不善」。

解元鄧炳元字飛虹，長垣人，丁亥進士。

江南考官：檢討劉肇國字阮仙，湖廣潛江人，癸未進士。檢討成克鞏字子固，直隸大名，癸未進士。十月舉行。

題「其養民也」二句，「君子而時」一句，「則天下之朝矣」。

解元張九徵字公選，丹徒人，丁亥進士。

河南考官：吏部主事歐陽忞字憲文，湖廣潛江人，丁丑進士。禮部主事呂雲藻字□□，山西臨晉人，癸未進士。

題「舜有天下 皋陶」，「行而民莫」一句，「其君子實 之中」。

解元邢若鵬字南溟，新鄉人，丁亥進士。

山東考官：兵科給事中向玉軒字□□，四川通江人，甲戌進士。兵部主事鎖青縉字蓋之，河南永寧人，丁丑進士。

題「欲仁而得」一句，「柔遠人則」二句，「周公思兼 四事」。

解元于四裳，歷城人，丙戌進士。

山西考官：吏部郎中孫昌齡字念劬，直隸寧晉人，己未進士。戶部主事李際期字元獻，河南孟津人，庚辰進士。

題「君子貞而」一句，「尊賢也親」二句，「省刑罰薄 忠信」。

解元朱裴字小晉，聞喜人，丙戌進士。

陝西考官：吏部員外郎范士楫字箕生，直隸定興人，丁丑進士。內閣中書上官鉉字雲立，山西翼